

静修先生文集

二



靜修先生文集卷之三

和陶集

和九日閑居

深居忘晦朔好事惟侯生偶因菊酒至喜聞佳節名香  
醪泛寥廓醉境還空明青天凜危帽浩空秋秋聲緬懷  
長沙孫生氣流千齡乾坤一東籬南山久已傾回看聲  
利徒僅比秋花榮撫時感遺事可見萬古情興詩此三  
復淹留豈無成

和歸田園居 五首

少小不解事談笑論居山為問五柳陶栽培幾何年安  
得十畝宅背山復臨淵東隣漢陰圃西家鹿門田前通  
仇池路後接桃源間熙熙小國樂夢想羲皇前石上無  
禾生燦爛空白煙營營區中民擾擾風中顛未論無因

歸歸田誰獨閑迂哉仲長統論說徒紛然

商顏高在秦天馬脫羈鞅東陵高在漢雲鴻渺遐想起  
然秦漢外當年誰長往每讀淵明詩最愛桃源長北望  
徐無山幽棲亦深廣空和歸田吟商聲振林莽

塊坐生理薄出門交友稀田翁偶招飲意愜澹忘歸游  
秦驚避竈過宋須微衣求謝門外履從翁不相違

曾田五十畝簞瓢足自娛顏生未全貧貧在首陽墟商  
顏遇狂秦蕭然真隱居箕山彼何為結巢松一株富貴  
豈不好有時貧不如在巷非不足當舒豈有餘誰持三  
徑資笑我囊空虛傭書易斗米吾田亦非無

吾宗古清白耕牧巨河曲雖非公卿門紆朱相接足陵  
谷變浮雲家世如殘局舉目遺安齋

先考嘗題所居齋

日遺安先訓炳如燭區區寸草心依然抱朝旭



和乞食

好廉中無實蠲事或發之萬鐘忘義理一簞形色辭吾  
貧又自信笑聽溝壑來偶聞啼飢子低眉問殘杯兒啼  
尚云可最愧南陔詩豈無乞貸念慚非動時才人理諒  
多闕清規亦徒貽

和連雨獨飲

吾心物無競未醉已頽然乾坤萬萬古坐我春風間弱  
女亦何知挽衣呼我仙窺人簪烏喜共舞風雩天舉觴  
屬義皇身在大古先忽遇弄丸翁見責久不還一笑了  
無間今夕是何年遙遙望白雲欲辯已忘言

和移居二首

十年寓茲邑渾家如泛宅言念息吾廬頽然在斯夕床  
頭四子書補闕薪水役寒蔬挂庭柯風葉蒲菴席藩垣

薛修之集三

卷之二

護清貧簞瓢閱今昔珍重顏樂功先賢重剖析  
躬耕力不任閉戶傳書詩資生豈師道舍此無所之今  
年穀翔貴自笑還自思安居逢歲歉乘除動天時強顏  
慰妻孥一飽在來茲雪好炊餅大占年不吾欺

和還舊居

巨河西北來浩浩東溟歸河邊兩榆柳游子無窮悲樹  
老我何堪物是人已非隣翁醉相勞自云鬼錄遺早晚  
見先公問爾今何依豈無磊磊功使下地下推舌聲謝  
隣翁讀書志未衰持此報吾親餘事手一揮

和九月九日

元月閉物初孤陽困無交園木眩霜紅豈解憂風凋物  
外風零春氣橫湖海高舉手謝浮世凝睇思層霄揮觴  
送秋節哀此造物勞傾河瀉萬象隨手如沃焦崇高笑

山斗未能出鈞陶况復草間蟲區區寒露朝

和飲酒二十首

尊壘上玄酒此意誰得之人道何所本乃在羲皇時頗  
愛陶淵明寓情常在茲子倡我為和樂矣夫何疑有問  
所樂何欲贈不可持

醉翁意自樂非酒亦非山頽然氣申適酒功差可言謂  
此不在酒得飽忘豐年君知太和味方得酒中傳  
阮生本嗜狂敗世仍不情酒中苟有道當與世同名何  
為戒兒子不作丈先生良心於此發慨想令人驚士生  
道喪後美才多無成

草木望子成豈憂霜露飛禽鳥忘身勞但恐飢雛悲生  
意塞兩間乾坤果何依我既生其中此理須同歸喜見  
兒女長不慮歲月衰雖為曠士盡理在庶無違

靜修文集三

山人有靜癖苦厭一瓢喧奈何眾竅號萬木隨風偏我  
常涉千里險易由閑山今古一長途遇險焉得還哀歌  
歎安歸夷皓無此言 我安適歸謂伯夷歌吾將何歸謂  
四皓歎此言馬遷皇甫謐所作非知夷皓之心者

茫茫開闢初我祖竟誰是於今萬萬古家居幾成毀往  
者既已然未來亦必爾何以寫我心哀泉鳴綠綺  
生備萬人氣乃號人中英以此推眾類可見美惡情陰  
偶小故多陽奇屹無傾誰將春雷具散作秋蟲鳴既知  
治常少莫歎才虛生

凝冰得火力鬱鬱陽春姿寧滅不肯寒陽火如松枝詩  
家有醇醪釀此松中奇一飲盡千山枯株彼何為所以  
東坡翁偃蹇不可羈

黃河萬古濁猛勢三峯開客持一寸膠澄清動高懷飛

駕探崑崙尚恐志易乖  
嚙我乘浮槎徑往天地樓  
就引明河清爲洗崑崙泥  
相看淚如雨千年苦難諧  
何當御元化擺落人世迷  
下覽濁與清瞬息千百迴

十年小學師一屋荒城隅  
飢寒吾自可畜養無一途亦

愧縣吏勞催徵費馳驅平生禦窮氣沮喪恐無餘長歌

以自振貧賤固易居

貧賤固易居貴盛難爲工  
搖叔夜詩

士窮失常業治生誰有道  
身閑心自勞齒壯髮先老  
客

從東方來温言慰枯槁  
生事仰小園分我瓜菜好  
指授

種藝方如獲連城寶他年買溪田  
共住青林表

此身與世味况若不同時  
惟餘雲山供有來不徑辭  
特

當持詩往報復禮在茲有客向我言  
於道未無疑不爲

物所役乃受煙霞欺聞此忽自失  
一笑姑置之

執價韓伯休混跡在人境  
百錢嚴君平閱世心獨醒  
我

無騰化術凌虛振衣頌又無辟穀方  
終年酌清潁會須

學嚴韓遺風相煥炳

吾宗幾中衰訪我時一至自吾居  
此菴才得同兩醉

數百年間相會能幾次每會不盡歡  
親情安足貴所歡

在親情杯水亦多味

器飲代窪尊巢居化安宅  
凡今佚樂恩孰非聖神迹  
况

彼耕戰徒勤力有千百乞我一身閑  
坐看山雲白內省

吾何功停觴時自惜

四時有代謝寒暑皆常經  
二氣有交感美惡皆天成  
天

既使之然人力難變更  
區區扶陽心伐鼓達天庭  
乾坤

固未壞杞人已哀鳴  
雖知無所濟安敢遂忘情

諸生聚觀史掩卷慕高風  
兀如遠游仙獨居無事中  
盛

衰閱無常倚伏誰能通天方  
郊高鳥地已產良弓人生

皆樂事憂患誰當但人皆生盛時衰世將盡感水性但知下安能擇通塞不見紇干雀貪生如樂國古今同此天相者無顯默

人生喪亂世無君欲誰仕滄海一橫流飄蕩豈由己弱肉強之食敢以凌暴恥優游今安居驩然接隣里曲直有官刑高下有人紀貧羸誰我欺田廬安所止舉酒賀生民帝力真可恃

人君天下師垂衣貴清真義皇立民極坐見風俗淳有德豈無位萬古湯盤新師道嗟獨行此風自周秦獨行尚云可誰以儒自堊有名即有對况乃一行勤聖人之道爾豈止儒當親儒雖百行一致遠非迷津矧伊末世下空有儒冠巾何當正斯名遙酌千載人

和有會而作併序

靜修集三

卷一

今歲早米貴而棗價獨賤貧者少濟以黍食之其費可減粒食之半且人之與物貴賤亦適相當蓋亦分焉而已因有所感而和此詩  
農家多委積淵明猶苦飢况我營日夕凶歲安得肥衾裯一飽計何暇謀寒衣經過米麥市自顧還自悲彼求與此有相直成一非尚賴棗價廉殆若天所遺惟人有貴賤物各以類歸小兒法取小淺語真吾師

和擬古九首

鬱鬱歲寒松濯濯春風柳與君定交心金石不堅又君衰我不改重是平生友相期又自醉中情有醇酒義在同一家何地分勝負彼此無百年幾許相愛厚持刀斷流水纖瑕固無有

客從關洛來高論聽未終連稱古英傑秉國或從戎建

立天地極蔚爲蓋世雄功成脫弊屣飄然翮遺風生世  
此不惡君何守賤窮急呼酌醇酒延客無何中

同游非所思所思天一隅有問所思誰意盡言不舒古  
今猶旦暮四海同一廬恍忽精靈通似見與我居攬衣  
欲從之寒月照平蕪茫然不知歔歎息將焉如

朝游易水側步上燕臺荒燕王好神仙不見金銀堂江  
山古神器海色圍蒼茫哀哉王風頽日化爭奪場救世  
豈無人賫志歸北邙撫此重長歎青山忽軒昂呼酒樂  
今朝往事置一方遙知蓋棺後亦起千載傷

依依月光缺熒魄恒獨完清光如素絲長懷綴君冠形  
雖隔萬里咫尺皆君顏望君君不來十年不開闕豈無  
黃金贈藉以青錦端愛惜明月珠肯爲黃雀彈庭前秋  
柏實月夜棲孤鸞君嘗寸心苦中有千歲寒

靜修文集三

卷之九

河流高拍天沈水沈在茲自傷困無力乘彼朝宗時顏  
色變涇渭風味存澗淄願君深識察期君不相疑此情  
良可憐感慨贈以辭辭云丹山鳥千載多苦思身游九  
霄上不受塵世欺忍飢待竹實浩蕩今何之歌爲靈鳳  
謠亂以猛虎詩

西山有佳氣草木含清和道逢方瞳翁援琴爲我歌音  
聲一何希一唱二嘆多問翁和此誰指我蟠桃華所望  
在千年君今將柰何

翩翩誰家子慷慨歌遠游忽記少年日猛志隘九州何  
物能動人有此歲月流君心海無底亦使成高丘贈君  
一卷書其傳自衰周讀此當自悟擾擾將焉求

巖巖牛山木久矣困樵採望望深澗芝無人香不改一  
葉振江潭輕波欲達海幽明理一貫影響不相待願天



誘臣衷所求惟寡悔

和雜詩十一首

日食百馬芻足有萬里塵乃知一駿骨可百駑駘身生  
汝天已艱天復無私親安肯養一物侵奪空四隣長飢  
汝自取况值秋霜晨難生復難長愁絕絕藝蘭人

曾中無全山橫側變峯嶺不及靈椿秋遂謂長春景只  
見柏參天豈知根獨冷井蛙見自小夏蟲年不求天人  
互償貸千年如響影郭哉神道遠瞬息苦馳騁平生遠  
游心觀物有深靜

晝長夜乃短百刻君自量贏餘雖可致君看蜜蜂房董  
生論齒角三策奏未央樂天喻花實妙埋通陰陽白詩  
荔被非名花牡丹無佳實稠薄只升米聽爾宜飢腸  
好事理艱阻人情多畏豫芝蘭種不生鸞鴻動高翥遂

海峽文集三

卷十

今好賢心難親恐易去巢燕不待招庭花免憂慮所以  
末世下凡百古不如皎皎千里駒肯為場苗住求賢非  
吾分切已在何處平生取友志持此當警懼

因觀倚伏機亦愛柱下老時危不易度遜默庶自保不  
見春花樹隆冬抱枯燥生意斂根柢發泄敢獨早聖德  
實天生自信耿中抱猶存悄悄心庸人安足道

幼安返鄉郡知音得程喜有問平生心但說臨流事乾  
坤魏山陽史筆凜生意物外此天民與魏偶相值見通鑑綱目  
澹然涉世情月際雲自駛我作安化箴土安其賢民化其得見管寧傳注韋絃不須置

太玄豈無知不覺世運迫為問莽大夫何如成都陌揚

雄嘗師嚴君平

扶搖得真易長卧山雲白

扶搖自雲白

陳圖南號中有安樂窩氣吐宇宙窄消長燦以密彼主

我為客觀先天圖可見問子居何方環中有真宅

朝耕隆中田暮採成都桑平生澹泊志醜女同糟糠愛

此真丈夫忘我厨無糧當年靚修銘團茅雞距陽保雞距

身語各有所寓舍此修養回頭十五載塵跡徒自傷山

居又岑寂主靜豈無方安得無極翁酌我上池觴

燕南可避世逸興生雲端安得百里封一邑不改遷絃

誦和寒流溝涂映晴巔思此良自苦窮耕望盤飧願從

八吟翁橫渠有八翁吟因自謂八吟翁同結一井綠買

山不用詩探囊謾千篇

西山霍原宅古蹟猶可稽見水經注重吟豆田謠愁雲

落崩崖豆田謠見霍原本傳曾酒邯鄲圍撫事傷人懷林宗自高

士比世淹亦彌一聞孺子語西風草離披知幾在明哲

何事紕塵羈君觀括囊戒無盈庶無虧

我游深意寺郎山古清涼興妖如米賊乘時起陸梁事見五代史訛

不見重華帝所居亦成鄉乾坤師道廢春

陽變秋霜撫事三太息欲語意何長

和詠貧士七首

陶翁本強族田園猶可依我惟一畝宅貯此明月輝翁

復隱於酒世外冥鴻飛我性如延年與眾不同歸孤危

正自念誰復慮寒飢努力歲云暮勿取賢者悲獨正者

則爾爾實揆然中言而發違衆速尤許風先王風與運類一輕不再軒消中正有長冬温見瓜園人

才氣所鍾亦如焰後煙寥寥洙泗心千載誰共研龍門

有遺歌三嘆誦微言意長日月短持此託後賢

淵明老解事撫世如素琴似人猶可愛况乃懷好音鄉

閭誰盡賢招飲亦相尋豈有江州牧既來不同斟仲尼

每諱魯邦君誠可欽史筆自好異誰求賢者心  
木石能受唾豈獨相國婁視唾若如雨褊人亦不酬無  
心乃直道矯情實莊周身外不爲我袒裼吾何憂伯夷  
視四海願人皆我儔吾謂下惠隘此說君試求  
飲酒不爲憂立善非有干偶讀形神詩大笑陶長官傷  
生遂委運一如咽止滄參回豈不樂履薄心常寒天運  
安敢委天威不違顏莊生雖曠達與道不相關  
物外有幽人閱世如飛蓬浮名不可近造物難爲工西  
京二百年藉藉楚兩龔豈知老父觀才與薰膏同爲閭  
老父誰身隱名不通偶逢荷篠者欣然欲往從  
生類各有宜風氣異九州易地必衰悴蓋因不同儔水  
物困平陸清魚死濁流麟亡回旣夭時也距無憂天亦  
無柰何自獻敢望酬寄語陶淵明雖貧當進修

和詠一疏

委質義有歸乞骸老當去豈無戀闕心難忘首丘趣在  
禮此當典末世成高舉漢廷多公卿圖畫兩疏傳至今  
秦中吟感歎東門路日覩靈將軍功高擅恩顧一朝產  
危機千載損英譽仲翁幸及年安肯嬰世務聖主賜臣  
金奉養行所素造物佚我老餘齡今自悟田園付子孫  
身後復無慮神交冥漠中樂境尚森著

和詠二良

江山錯如繡死與弊屣遺安用親愛人共此丘土微秦  
人多尚氣宜與兒女私乃亦如當途區區戀衣帷因傷  
秦政惡三歎王綱虧殉人已可誅而况收良歸坐令百  
夫特含恨與世違祇應墓前柏直幹千年稀遙知作俑  
戒爲感詩人悲重吟黃鳥章淚下霑人衣

和詠荆軻

兩兒戲邯鄲六國朝秦嬴秦王鷲鳥姿得飽肯顧卿燕  
丹一何淺結客報咸京當時勢已危奇謀不及行政使  
無此舉寧免係頸纓如丹不足論世豈無豪英天方事  
除掃孰禦狂颺聲我欲論成敗高歌呼賈生乾坤有大  
義迅若雷霆驚堂堂九國師誰定討罪名一戰固未晚  
何為割邊庭區區六孱王山東但空城孟荀豈無術乘  
時失經營今雖聖者作不救亂已成酒酣發羽奏亂我  
懷古情

和讀山海經十三首

寰區厭迫隘思見曠以踈四壁畫諸天愛此金仙廬丹  
青煥神迹勝讀談天書乃知屈子懷託興青虬車回首  
千百世朝露棲園蔬歸來誦陶詩復與山經俱山經何  
所似裡媪談浮圖汗漫恐不已身心歸晏如

卷之三

十一

鳳鳥久不至思君慘別顏中心藏竹實烟烟空千年千  
年何所往云在丹穴山何當一呼來徵爾無稽言  
翩翩三危鳥為我使崑丘聞有西天母靈化苦難儔願  
清黃河源一洗萬里流吾生豈無志所居非上游  
瀟湘帝子宅縹緲乘陰陽欲往從之游風波適阻長秋  
風動環佩星漢搖晶光月明江水白萬里同昏黃  
重華去已久身世私自憐皇靈與天極蒼梧渺何山晴  
空倚翠壁白雲淡無言愁心似湘水猶望有歸年  
夢登日觀峯高撫扶桑木手持最上枝傳與甘淵谷一  
笑天驚白蒼涼出新浴何方積九陰區區尚龍燭  
纍纍玉膏實泠泠琪樹陰鸞鳳自歌舞瑟瑟風動林風  
林奏何樂賓天有這音君何坎井念水負琅園心

明星捧玉液太華參天長仙掌一揮謝此樂殊非常矯  
首望夸父飢渴無餘糧奔競竟何得歸哉此中央  
水物自一隅亦復具飛走乃知造化工錯綜無欠負茫  
茫山海間必類靡不有此亦何可窮一覽置肘後

遙酌楚江騷清愁浩如海蹈襲此何人興寄果安在豈  
期紫陽出誇謾莫追悔見朱文公楚辭辨證五藏今元

丘五藏見山海經序除去尚奚待

流觀山海圖淵明有深旨撫心含無疆觀形易生死異  
世有同神此境若親履何以發吾歡濁酒真可恃扶踈  
窮巷陰回車想高士厭聞世上語相約扶桑止讀君孟  
夏詩千載如見爾開襟受好風試學陶夫子

陶令自高士葛侯亦奇才中州亂已成翩然復南來三  
游領坡意厭世多驚猜不妨成四老雅興更悠哉

靜修先生文集卷之二

靜修先生文集卷之四

七言古詩

桃源行

六王掃地阿房起桃源與秦分一水小國寡民君所憐  
賦役多慙貧天子天家正朔不得知手種桃枝辨四時  
遺風百世尚不泯俗無君長人熙熙漁舟載入人間出  
却悔桃花露蹤跡曾聞父老說秦強不信而今解亡國  
畫圖曾識武陵溪飛鴻滅沒天之西但恨於今又千載  
不聞再有漁人迷

明妃曲

初聞丹青寫明眸明妃私喜六宮羞再聞北使選絕色  
六宮無慮明妃愁妾身只有愁可必萬里今從漢宮出  
悔不別君未識時免使君心憐玉質君心有憂在遠方  
靜修文集  
但恨妾身是女郎飛鴻不解琵琶語祇帶離愁歸故鄉  
故鄉休嗟妾薄命此身雖死君恩重來時無數後宮花  
明日飄零成底用宮花無用妾如何傳去哀絃幽思多  
君王要聽新聲譜為譜高皇猛士歌

塞翁行

塞翁少小壟上鋤塞翁老來能捕鼠宋家昔日塞翁行  
屯田校尉功不如西山瀛海接千里長城又見開長渠  
要將一水限南北笑殺當年劉六符天教陂澤養鴈鷺  
留與金人賦子虛我來鄉國覽風土騁騎槌鼓笛鳴鳴  
曾中雲夢忽已失酒酣懷古皆平蕪昔年阻水羣盜居  
塞翁子孫殺欲無至今遺老向人泣前宋監邊無遠圖

武當野老歌

南陽武當天下稀峯巒巧避山自迷青天飛鳥不可度

但見萬壑空煙霏山不知人從太古白雲飛來天作主  
旌旗明滅漢陽津幾閱東西互夷虜老人住此今百年  
自言三世絕人煙往事不聞宣政後初心欲返羲皇前  
脯鹿為糧豹為席竹樹蒼蒼歲寒國天分地拆保無憂  
怪見北風山鬼泣一聲白鴈已成擒回望丹梯淚滿襟  
傳與桃源休避世武陵不似武當深

感秋

思古人之不可見也

湘絃悠悠阻清音駕車欲往洛水深白榆一葉警河漢  
萬里碧霄中夜心玉鸞翩翩紛翠羽騁騏機絲隔煙霧  
瓊伎難得芳華年惟恐流光兩遲暮河傍有星名牽牛  
此星既出令人愁明朝再見明河影已隔人間萬古秋

飲後

日光射雨明珠璣怒氣鬱作垂天蜺天漿海波吸已竭

靜修齋

倒影徑入黃金卮金卮一傾天宇閑天公愁吐胸中奇  
海風掀舉催月出吹落酒面浮明輝瓊枝瑞露千萬斛  
肝腸蕭蕭清欲飢金宮銀闕此何處夜半夢落崑崙西  
眼中之人素所期赤霜為袍丹霞衣明星煌煌何太速  
碧霄悵望白雲低

西山

西山龍蟠幾千里力盡西風吹不起夜來赤脚踏蒼鱗  
一著神鞭上箕尾天風泠泠清人肌醉抱明月人間歸  
嫦娥灑淚不敢語銀河鼓浪霑人衣寄謝君平莫饒古  
袖中此物無人知

登荆軻山

兩山巉巖補天色中有萬斛江聲哀人言此地荆軻館  
尚餘廢壘山之隈太子西來函關開誰信生兒為禍胎

筆頭斷取江山去已覺全燕如死灰馬遷尚俠非史才  
淵明憤世傷幽懷春秋盜例久不舉紫陽老筆生風雷  
遺臺古樹空崔嵬平蕪落日寒煙堆紛紛此世亦良苦  
今古燕秦經幾回憂來徑欲浮蓬萊安得曾連同一杯  
喝石東頭喚羨門六鰲載我三山來

薛稷雙鶴

胎禽寥廓非人境只許清江見寒影書家筆頭垂露姿  
一變凌雲更修整前鶴忘機如易馴後鶴昂藏不可羣  
二鶴相看如有語松下磐石少此人

幻安濯足圖

漢家無復雲臺功生平不識大耳公眼中天意鏡中語  
此身只有扁舟東關東諸公亦英雄百年能辦山陽封  
歸來老柏號秋風世事悠悠七十翁乾坤故物兩足在

靜修齋集

霜海浮雲空復空無刀可斷華太尉有死不為丕太中  
丹青白帽凜冰雪高山日送冥飛鴻為問蘇家好兄弟  
萬古北海誰真龍長公愛文舉次公愛物安蓋氣質各以類云

采菊圖

天門折翼不再舉袖手四海橫流前長星飲汝一杯酒  
留我萬古羲皇天廟堂哀哀宋元勳爭信東籬有晉臣  
南山果識悠然趣不惜寒香持贈君

歸去來圖

淵明豪氣昔未除翱翔八表凌天衢歸來荒徑手自鋤  
草中恐生劉寄奴中年欲與夷皓俱晚節樂地歸唐虞  
平生磊磊一物無停雲懷人早所圖有酒今與壠通沽  
眼中之人不可呼哀歌撫卷聲嗚嗚

雪翠軒



西山萬古青未了，黛綠鬟雲已傾倒。豈知太虛忽生白，  
况如厚夜今復曉。紫陽僊翁見本根，白波開天餘浩渺。  
曾中盤屈此高寒，曾夢肝腸倚天表。蒼崖飛來天出巧，  
爲護煙嵐翠如掃。萬縷寒煙吹不舉，靜秀依依見娟好。  
此時先生一開軒，平生壁立今玉削。脚底游塵軟更紅，  
黑頭擾擾誰爲雄。臨風回首三太息，安得置此冰壺中。  
西山秀色千萬重，一顧可洗浮雲空。遙望飛泉駕遠壑，  
中有一路開雙松。人間風日不到處，來訪軒中雪翠翁。

山中

山中望塔倚天表，今得全山如立草。不知天地視全山，  
何如一粒江湖渺。平生老眼如層梯，昨日所爲今兒嬉。  
神功天巧祇如此，人力區區能幾爾。世間壯觀徒紛紜，  
堯舜事業猶浮雲。

飲山亭雨後

山如翠浪經雨漲，開軒似坐扁舟上。西風爲我吹拍天，  
要駕雲帆恣吾往。太行一千年一青，才遇先生醉眼醒。  
却笑劉伶糟麴底，豈知身亦屬螟蛉。

巫山圖

朔風捲地聲如雷，西南想見巫山摧。江南圖籍二百年，  
一炬盡作江陵灰。不知此圖何所得，眼中十二猶崔嵬。  
猿聲騁騁餘山哀，行雲欲行行復回。神宮縹緲望不極，  
乘風御氣無九垓。區區雲夢蹄涉爾，豈知更有陽雲臺。

李賀醉吟圖

赤虬翩翩渺無聞，望之不見矧可親。浮世浮名等濁溷，  
眼中擾擾投詩人。心肝未了人間春，老眉尚作哦詩顰。  
太平瑞物不易得，昌黎先生掌中珍。北風蕭蕭吹野鱗。

千年淚雨埋青雲乾坤清氣老不死丹鳳再來須見君

後賦赤壁圖

公無渡河歸去來周郎袖裏藏風雷老狐千年快一擊  
金眸玉爪不凡才先生平生兩賦耳江山華髮心悠哉  
只今畫裏風月笛尚有老驥嘶風哀眼中驚波不西歸  
玄鶴夜半從天迴曹劉閑氣今何處船頭好在白雲堆

陳氏莊

陳氏園林千戶封晴樓水閣圍春風翠華當年此駐蹕  
太平天子長楊宮浮雲南去繁華歇回首梁園亦灰滅  
淵明亂後獨歸來欲傳龍山想愁絕今我獨行尋故基  
前日家僮白髮垂相看不用吞聲哭試賦宗周黍離離

陳氏先父之外家也金章宗每遊緡必宿其家淵明謂先父龍山指孟嘉事

采石圖

靜修文集

卷九

何年鑿江倚青壁乞與中原作南北天公老眼如看畫  
萬里才堪論咫尺蛾眉亭中愁欲滴曾見江南幾亡國  
百年回首又戈船可憐辛苦磯頭石江頭老父說當年  
夜捲長風曉無跡古人袞袞去不返江水悠悠來無極  
只今莫道昔人非未必山川似舊時龍蟠虎踞有時歇  
月白風清無盡期古人看畫論兵機我今看畫詩自竒  
平生曾有金陵夢似記扁舟月下歸

金太子允恭唐人馬

道人神駿心所憐天人龍種畫亦然房星流光忽當眼  
徑欲攬轡秋風前漢家金粟幾蒼煙江都筆勢猶翩翩  
東丹獵騎自豪貴風氣惜有遼東偏天人秀發長白山  
畫圖省識開元年金源馬坊全盛日四十萬匹如秦川  
天教劫火留此幅玉花浮動青連錢英靈無復汗石馬

悲鳴真似泣金僊只今回首望甘泉汾水繁華鴈影邊  
奇探竟隨轍跡盡兀坐宛在驪山先人間若有穆天子  
我詩當作祁招篇

宋理宗書宮扇 併序

杭州宮扇二好事者得之燕市一畫雪夜泛  
舟一畫二色菊理宗題其背有興盡為期及  
晚節寒香之句諸公賦詩予亦同作

天津月明啼杜鵑梁園春色凝寒煙傷心莫說靖康前  
吳山又到繁華年繁華幾時春已換千秋萬古合歡扇  
銅雀香銷見墨痕秋去秋來幾恩怨一聲白鴈更西風  
冠蓋散為煙霧空百錢聽錦天留在胎禍要鑒驪山宮  
當時夢裏金銀闕百杯樓前無六月瓊枝秀發後庭春  
珠簾晴捲天門雪擢歌一曲白雲秋不覺金人淚暗流

淨修文集

卷之六

乾坤幾度青城月扇影無情也解愁五雲回首燕山北  
燕山雪花大如席雪花漫漫水竅竅大風起兮柰爾何

續十二辰詩

飢鳶嚇鼠驚不起牛背高眠有如此江山虎踞千里來  
才辦荊州兔穴爾魚龍人海浩無涯幻境等是杯中蛇  
馬耳秋風去無跡羊腸蜀道早還家何必高門沐猴舞  
豚穿雞栖皆樂土柴門狗吠報鄰翁約買神猪謝春雨

渡白溝

東北天高連海嶼太行蟠蟠如怒虎一聲霜鴈界河秋  
感慨孤懷幾千古只知南北限長江誰割鴻溝來此處  
三關南下望風雲萬里長風見高舉萊公灑落近雄才  
顯德千年亦英主謀臣史丘強解事枉著渠頭污吾鼓  
十年鐵硯自庸奴五載皇安數當時一失渝關路

便覺煙雲非我土更從晚唐望沙陀自此橫流穿一縷  
誰知江北杜鵑來正見海東青鳥去漁陽搥鼓鳴地中  
鷓鴣飛滿梁園樹黃雲白草西樓暮木葉山頭幾風雨  
只應漠漠黃龍府北似愁罔更愁苦天教遺壘說向人  
凍雨頑雲結淒楚古稱幽燕多義烈嗚咽泉聲瀉餘怒  
仰天大笑東風來雲放殘陽指歸渡

登鎮州龍興寺閣

太行鱗甲搖晴空層樓一夕蟠白虹天光物色驚改觀  
少微今在青雲中初疑平地立梯磴清風西北天門通  
又疑三山浮海至載我欲去扶桑東雲華寶樹忽當眼  
拍肩愛此金僊翁金遷一夢一十載騰擲變化天無功  
萬象繞口恣噴吐坐令四海皆盲聾千池萬沼盡明月  
長天一碧無遺蹤我生玄感非象識此眼此臂將安庸

靜修集

海嶽神光埋禹鼎八閩詭態何由窮金天月窟爾鄉國  
玉毫萬丈須彌峯一杯徑欲呼與語爲我返駕隨西風  
堂堂全趙思一豁江山落落吾心曾中原左界此重鎮  
形勢騁驍餘兵衝歌舞遺臺土花碧旗幟西山霜葉紅  
乾坤割裂萬萬古烏鳶蟻蟻誰爲雄溱水悠悠自東注  
落日渺渺明孤鴻

過易州登西樓

秋色壓山山欲摧西樓正有詩人來悲歌感慨聊一發  
萬古抑鬱今崔嵬寧山爲有瀛王臺頑癡至今如死灰  
幽燕勁氣老益壯北山飛翠來吾杯

癆醫劉茂之詩卷

鍊心如石補天缺鍊心如泥補地裂白蠶正飽丹鳳飢  
心能竹實亦能鐵乾坤瘡痍今幾年誰家藥籠金石堅

千金此方不一試雲山注目秋風前

乙亥十月往平定奔外舅郭判官喪早發土門宿故關書所見

風煙全趙平如掌失脚山城猶夢想土門一縷漢時天  
萬古行人爲誰仰指似勅敵談笑中爲狀羸僕忍寒強  
當年鼓角如可聞急著清吟和林響遠山宛欲來相迎  
近山留人屹相嚮或從井底忽登天倚伏已能先想像  
平生愛山真惡識今日果爲山所網昨朝爽翠擁脩眉  
最恨高樓負清賞壯懷鬱鬱悶欲絕安得凌風恣吾往  
天教石頂放一頭駛若驂騑脫羈鞅山靈努力出奇供  
只恐先生駕虛枉萬壑霜松動悲嘯極目雲煙埋莽蒼  
北門形勝護中原辦與姦雄增技癢太行橫絕半九州  
留在平原幾塵埃何人爲我起六丁差我盡墮天宇朗

千年再挽神禹功恍若鴻流開四象

范寬雪山

老寬曾次無墨汁經營慘淡寒生須秦川名山谷壯哉  
况復玉立千尺孤安得晨光滿東壁試看龍燭崑崙墟  
赤壘瀕洞天爲爐一丘一壑真吾廬眼中人物誰水壺

荆南送橘

江淮草木少生意今日佳果來何奇枯苗一溉自此見  
入手即有甘棠詩眼中風露滿湘姿渺我幽林千樹思  
只恐江聲撼吾枕相看坐對寒更遲

食筍

夢迴齒頰風瀟騷幽姿不許霜松高南來蒼玉不盈束  
已覺飲興翻雲濤詩家曾次自宜此尚嫌煙火須烹魚  
想像南風吹萬竹籜龍正恐稱寃號石盆養魚心自苦

仰羨鸚鵡雲間巢眼中歲旱土不膏長鏡後慮山無毛  
退食歸來北窓夢山巔朱鳳聲嗷嗷

送寇長鄉同知岳州

聞君得官岳樓去我夢已落江湖濱天下先憂付公等  
江山之樂當平分荆湖一城百戰得存撫安得人若  
岳陽父老宜相賀君是荊州舊幕賓

廉荊州治稱第一

許修先生文集卷之四

靜修先生文集卷之五

七言古詩

三月三日許天祥置酒東城

都門氣習豪翩翩此君尊俎今宛然春色今年遲半月  
留待忽忽過寒節臨流雅唱尋舊盟青眼青天對今夕  
橫橋綺服麗人天蒼苔坐我羲皇前花枝華髮兩如汗  
天意時情一杯舉安石起舞元龍歌蒼生我竟如渠作

飲仲誠柳瓢

君家瓠落無所容江湖誰辦平生曾海南佳氣又鬱塞  
澗瀕似喜今相逢前年對酒面發紅今年對酒氣如虹  
江山萬古騷人國跬步便與華胥通河間古儒病我拘  
聞我一飲喜氣濃平生得意南湖張此意頗與河間同  
太古窪尊老無底一朝傾倒何由供醉鄉千年有此客

靜修文集

鳥歌蝶舞春濛濛醉翁之意不在酒宛如琴意非絲桐  
太和風景無醜酌洛陽樓閣高玲瓏冷然僂馭一杯水  
眼中渺渺無極翁西家伯倫暫且聾東家醉死王無功  
酒中醒境渠未識冰壺秋月崑崙峰舉杯喚月來曾中  
人間白日浮雲空五嶺山高雲幾重朱崖滅沒南飛鴻  
玄鶴翩翩渺何許操瓢徑訪眉山翁河間謂趙君王南  
湖謂仲實冷然仙馭一盃水見潘延之和茂叙憶濂溪  
詩洛陽樓閣用堯夫空中樓閣事

熙明殿古墨 宋度宗

江南賜姓功臣李吾州奚生墨工爾江南赭盡吳山松  
吾州老樹搖晴空君王弄墨熙明殿不覺江頭度白鴈  
劫火猶解愛庭珪吹送山家易水西松風含哀生硯滴  
似訴優游解亡國只今誰有哀江南寶氣不受鵝溪練

早晚扁舟適吳越為君揮灑天門雪

元章論書帖

書家豪猛見世變寥寥鐘鼎今幾塵古人習次無滯迹  
意外蕭散餘天真愛書愛畫即欲死狂絕俗絕無此人  
臭穢功名皆一戲渠言夸矣君勿聞

霸陵圖

霸陵平生有詩境黃閣何物為清風鄭五自知非相才  
彌猴枉畫凌煙中作傭莫作詩家傭百為淡古誰汝供  
古人星露尚有戒况是風雪來無窮襄江明日蒲萄暖  
斜風細雨船頭轉門前暮雪吾不知坐上春風人未遠  
友人送枳朮丸

心曾未試黃昏湯無食何用求擯擲書生但苦湯餅睡  
巴椒慘慘無鼠腸舊聞易水僊翁術綠荷包飯圓枳朮

神修文集五

南州故人持送我但欠黃雲數千斛笑撫青囊時一鼓  
健啖何由酬此適

送徐生還鄂併序

江夏徐生東湖故家庚申北渡客燕趙十七  
年而宋亡其子姪書來迎之而還蓋前人所  
謂黃鶴歸來疑城郭之猶是浮雲一去惜人  
代之俱非者也諸公賦詩以道其行命容城  
劉某序而倡云

燕山送客歸南州興來每恨無扁舟君歸為我謝江漢  
思君不見令人愁千里風煙想瀟灑一代英雄成古丘  
當年才氣鸚鵡洲拊掌笑殺黃鶴樓黃鶴歸來哀江頭  
江山依舊人悠悠浮雲萬古恣變滅眼中擾擾何時休  
紫陽僊人歌遠遊飛蚊起滅三千秋為君揮手崑崙頭



紫陽謂晦翁飛蚊起滅見遠游集註

明河秋夕圖

明河澹澹縱復橫行雲悠悠度踈星鳳媒不來烏夜驚  
瓊枝玉佩遲所託畫中隱隱聞機聲秋來秋去今猶古  
此恨不隨天宇青崑崙西頭風浪平辦我一舟蓮葉輕  
浩歌中流擊明月九原喚起嚴君平人間此水何時清

趙生水墨虎

南山鬱鬱煙霧濛北山落日薄幽叢先生眼花臂猶健  
聞虎有真心愈雄聲絃寄目黃蘆東人言此是高堂中  
仰天大笑出門去時危慘淡來悲風

美人

美人娟娟秋水隔煙霧深沉蒙玉質目逐晴波去不歸  
遙山只有行雲碧碧雲日暮心悠哉窻前一夜梅花開

平生即信心如鐵一寸相思寸灰

仲誠家藏張蔡公石女剪製香奩絕巧持以求

子詩

靜筆墨君天下奇陵川僊人為賦之遺山野史誇慧又  
萬古春風蝴蝶辭豈知此巧復絕代夜月靜拂天孫絲  
夢雲絲雨有形外郢斤庖刃無心時蔡公凜凜褒鄂姿  
諸郎畫戟清香詩香奩秀發亦餘事詩人飢眼省見稀  
敲門青燈爛紅碧布衾驚走惡睡兒破屋猶疑翠鯨怒  
短褐誰憐紫鳳移東家健婦把鋤犁西家處女負薪歸  
哀哀正念誅求苦對此無言空淚垂

金太子允恭墨竹

黑龍江頭氣鬱葱武元射龍江水中江聲怒號久不瀉  
破墨揮灑餘神功天人與竹皆真龍墨竹以來凡馬空

人間只有墨君堂何曾夢到瓊華宮  
瑤光樓前月如練倒影自有河山雄  
金源大定始全盛時以漢文當世宗  
興陵爲父明昌子樂事孰與東宮同  
文采不隨焦土盡風節直與幽蘭崇  
百年圖籍有蕭相一代英雄惟蔡公  
策書紛紛少顏色空山夜哭遺山翁  
我亦飄零感白髮哀歌對此吟雙蓬  
秋聲瀟瀟來晚風極目海角天無窮  
黑龍江見金史幽蘭軒義宗死所汴亡  
張蔡公以金寶錄歸遺山嘗就公謄錄  
此軸亦公得于汴之中秘者公之子仲仁  
持以求予詩故終篇及之

### 阿寅百醉

南湖風鑿不多可詩中驚見阿寅名  
朝來抱來聚星亭神涵秋色啼古聲  
都山張氏世有賢斷崖近得唐碑銘  
乃翁寂寞老窮經何敢健筆敵中勅  
循還無間豈終悔

靜修文集五

四

開物有期須一鳴老夫自任河汾教  
先與虛席待此生

### 蠡吾王翁畫像併序

蠡吾王翁世爲農家多蓄粟金源貞祐初宣  
宗南渡河朔大饑翁于是發之全活者甚衆  
時鄉豪在所皆自樹慕義者咸欲推翁爲首  
翁不許挈家避地扶溝餘二十年而汴亡天  
下蕭然蕩爲丘墟翁家獨無恙而歸子孫讀  
書不求祿仕三世皆以壽終殆不偶然也翁  
之曾孫天輔求子叙翁之行義於其畫像謂  
庶其能聞之名士大夫而有以發潛德之幽  
光也

北門翠屏雷破山畢逋頭白五馬遷乾坤  
運會到血肉有欲脫之誰飛倦河朔諸州尤  
可憐有饑以來無此年

鄉閭嗷嗷翁哺之翁困有底心無邊諸豪推倡彼亦義  
亂世性命翁能全教子讀書不求官歸來素髮家山前  
天理不隨陵谷變坐看老樹生蒼煙只今圖畫對翁像  
回首兵塵一慨然誰能生死太平日白石共煮西山泉

張元帥寶刀

土不產金人氣雄真人握鐵開鴻濛不知此刀何所得  
風雲餘烈來霜鋒將軍聲名今蔡公酒酣過我歌彤弓  
持刀對翁兩竒絕眼中已覺南海空木波江聲浩無窮  
朝磬夕淬天有工回鶻健兒覩天巧前身鐵精非凡庸  
紫煙焰焰天爲紅鑲紋秀發青芙蓉寶環搖落初開封  
四座如著清水中天山積雪聚銍鏑寒色直欲朱崖通  
摩挲神物三大息此行善保千年功

山行見馬耳峯

靜修子集五

七

近山豪士少羈檢酒澆不下曾崔嵬遠山靜女亦閑雅  
尚恨少有傷春懷亂山米聚爭拱指武卒侍婢皆凡村  
天知老眼不受塵路轉忽覩雙峯開雙峯何年聳雙耳  
叱之不動煩風雷今朝向我效神駿翠色欲逐神鞭來  
浮世浮名酒一杯我欲駕此觀蓬萊只恐日暮三山上  
黃塵回首令人哀

雪浪石

邵家水陸說影像一物自可涵無垠滄浪僊人歌感應  
石中固有此理存老坡胸中如此幾魄磊湏得銀河噴  
嘲嵩唾華天不噴武夷赫怒張吾軍偶從北海得生氣  
竹石也愛風姿新我來正當秋雨霽一盃冥漠玄都門  
小璫好事如先臣坐令平地石生根渠家兒戲解亡國  
作詩一笑君應聞

王君奉命賑濟彰德過予求詩

十年監官窮到骨一簿武邑如登天巧宦紛紛日九遷  
白髮青衫獨可憐昨朝讀君阜民篇善察物情亦已賢  
南郡飢民想更苦以君賑濟非偶然驛傳星馳乃爾急  
何暇載酒揚雄玄茅容問稼當有語野夫憂國願豐年

同仲實南湖賞蓮醉中走筆

湓江紺寒風露涼安得置我濂溪堂音塵縹緲芙蓉裳  
百年得此南湖張舉杯人勝景亦勝有蓮以來無此香  
蓮香隨酒來詩腸得句驚起幽禽翔幽禽隨人作帶態  
意欲和我風雩狂人間一味清到骨兩足暫付吾滄浪  
螟蛉螺贏鄉且去醉眼太華雲間蒼

明遠堂賞蓮醉賦

畫堂香遠凝清秋宛如坐我南湖舟主人愛客情亦重

靜修齋集五

六

謂我無語花應羞荷香繞筆詩自健滿紙已覺清江流  
平生老氣回萬牛爲君傾倒元龍樓舉杯喚起謝安石  
我醉不省蒼生憂

玉簪

春色醉人人未醒誰憐月露秋零丁昭陽日影巧相避  
寸心未減寒冷冷只應得我一顧足爲君小醉秋風亭  
蓮兄君子菊弟隱何地處君君意肯玉簪玉簪誰與簪  
蒼苔踈雨秋欲深

緝熙殿硯

宋理宗

使君持送緝熙硯捷音才到山中人四十二年如電抹  
此硯曾經秋復春寂寞經筵勸講臣詩酒宮中樂事新  
文章只數中天月萬卷何曾筆有神

宋徽宗賜周準人馬圖

筆底金鞍有蕭爽誰云不博降王長汴梁門外若雲屯  
畫本相看應自賞十載青衣夢故都經營慘淡欲何如  
只除金粟呼風鳥曾見昭陵鐵馬趨

雪翠軒觀太寧少

吾家雪翠天下白銀河無風月無色天關不閉寒崢嶸  
箕尾晶英凍欲拆帝遣六丁下取將勅賜銘軒換金碧  
初如紫電燄青雲飛下人間作堅壁漸如扶桑六龍出  
萬縷丹霞吹海立何人辦作文媧氏補天重煉蒼蒼石  
陽能兼陰今可知祝融若并玄冥國正教蕪穢洗欲空  
誰爲千年棟梁惜殺機如火出至微熾熾寧知有今夕  
軒中高卧劉更生願借餘光照方冊有道出黃虞  
今古煌煌天與極火耕明日千萬斛酒瓮已聞春雨滴  
不妨一飲盡郡山醉暈春生半天赤

南溪行

靜修文集五

七

老人耕牧南溪南南溪草淺牛所貪大孫攜書小攜酒  
言衰爲席樹爲菴以書教孫仍自讀隔溪遙聽聲誦誦  
牛眠樹陰孫勸酒老人未醉意已酣老人氣高軀幹小  
面狹於髯森若杉年周甲子辰又決世故十率八九音  
早歲精勤傳世業口誦太素手弄苴以藝發身寧久厭  
安車徵起詔使監入爲天子侍從臣龍沙萬里嘗陪駮  
鼎湖白雲望不極招之歸來山有嵐身出夢關涉覺境  
人間萬有皆空函侍從之名不復記老人自署南溪街  
呼兒來前雙玉立曰我愛汝擇所堪自我中年學讀書  
方寸若有神明鑿活人之功豈不美一有不中中或熬  
青囊秘封不再展塵跡從此乃一艾讀書力田兩交進  
困有所收心有涵開此樂國自我始繼而大之在汝男

我言已成齊變魯汝等當爲青出藍東北一舍容城翁  
今年卧病家山巖其室雖邇人甚遠汝粮自裹簪汝擔  
雪中欵段來扣門僕僮汗流扶酒甌侑尊有物隨土產  
厥包雜進鴨與鷓飲劇談發不自禁四鄰驚走來窺探  
先生靜默如土鐘叩之愈大聲愈齷今朝音吐瀉河漢  
老人者誰開其緘斥之令去不復語興亡萬古手與談  
空釣意釣不在棋澹然相對如禪龕老人思家不可留  
二兒扶歸杖几參臙醅開時魚可膾相約載酒遊溪潭

煙霞觀雲巢松

盤柯盤屈今幾時龍掌虎跛森英姿道人眼中無可怪  
一巢見餉吾何疑我所思兮願與箕秋聲蕭蕭吹送之  
清風一枝雲一席松中之樂天不知靈臺方寸有君節  
虛籟萬古絃吾詩藏晚相期君與我笑拊吾髯盡此卮

白鴈行

北風初起易水寒北風再起吹江干北風三吹白鴈來  
寒氣直薄米崖山乾坤噫氣三百年一風掃地無留殘  
萬里江湖想瀟灑佇看春水鴈來還

宋高宗題李唐秋江圖

秋江吞天雲拍水濤借西風扶不起斷雲分雨入江村  
回首龍沙幾千里澹菴老筆搖江聲髣髴阿唐慘澹情  
千秋萬古青山恨不見歸舟一葉橫

時修先生文集卷之五





